

Kalaallit Nunaannut, Kalallit Nunaannit Kalaallit Nunannilu usinik imaatigut assartuineq pillugu Inatsisartut peqqussutaat

Nioqqutissanik pissaqartitsineq, angallanneq, allakkanik isumaginninneq il. il. pillugit Kalaallit Nunaannut inatsit nr. 469, 6. november 1985-imeersoq naapertorlugu matumuuna tullianiittut aalajangersarneqarput:

§ 1. Inuussutissarsiorneq siunertaralugu Kalaallit Nunaannut, Kalaallit Nunaannit Kalaallit Nunannilu usinik imaatigut assartuineq taamaallaat ingerlanneqarsinnaavoq Naalakkersuisunit akuersissut naapertorlugu.

§ 2. § 1-mi aalajangersagaq atunngilaq imaatigut assartuinnermut

- 1) umiarsuit danskit naalagaaffiani oqartussaasunit naalagaaff iullu suliffeqarfutaani pigineqartunit attartorneqarsimasunilluunniit inger lanneqartumut,
- 2) danskit amerikkarmiullu sakkutooqarf iisa Kalaallit Nunaata illersorneqarnissaa pillugu isumaqatigiissut 27. april 1951-imeersoq naapertorlugu pilersitaasimasut ingerlanneqarnissaannut pisariaqartumut,
- 3) Kalaallit Nunaanni atortussiassat aatsitassanit pisut il.il. pillugit inatsit nr. 335, 6. juni 1991-imeersoq naapertorlugu ingerlatsinermut atatillugu inger lanneqartumut.

§ 3. Kalaallit Nunaanni Naalakkersuisut nalunaarusiornikkut aalajangersinnaavaat, imaatigut assartuinerit ilaasa tamakkiisumik ilaannakuusumilluunniit peqqussummut ilaatinneqannginnissaat.

§ 4. Imaatigut assartuineq akuersissutigineqarsinnaavoq assartuinnernut ataasiakkaannut, umiarsuarnut imaluunniit assartuinnermi siunertanut aalajangersimasunut soorlu aamma ornitat aalajangersimasut akornanni uteqqattaarluni angalanernut.

Imm. 2. Akuersissut kisermaassisussaataitanertut nalunaarutigineqarsinnaavoq.

§ 5. Akuersissut taamaallaat tunniunneqarsinnaavoq piffissamut aalajangersimasumut atugassarititaasussanillu sukumiinerusumik aalajangersarneqarsimasunik piumasaaqatitaqartinneqarsinnaalluni, soorlu assartuinnermi akigititat akuerineqartarnissaannik, qanoq akulikitsigisumik angallassisarnissamut, sumi angerlarsimaffeqarnissamut aamma kalaallit sulisorineqartarnissaannik.

§ 6. Kinaluunniit peqqussut manna naapertorlugu imaatigut assartuinissamut akuerineqartoq, pisussaavoq Inatsisartunit ukiut tamaasa procentimik aalajangerneqartartumik, assartorneqartut nassiunneqarnerinut akiligassamut akitsuummik akiliisassalluni, Kalaallit Nunaanni sumiiffinnut allanut assartuussisarnermi aningaasartuutaasartunut matusissutissaannik.

Imm. 2. Naalakkersuisut aalajangersaasinnaapput akitsuutit akilersinniartarneri akilerneqartarnerilu pillugit kiisalu assartukkat ilaasa ingerlanneqarnerinut akitsuuteerutsitsineq akikillissaanerluunniit pillugit.

§ 7. Naalakkersuisut nalunaarusiornikkut sukumiinerusunik malittarisassiorsinnaapput

1) akuersissummik qinnuteqarnermi periaaseq paasissutissiissuteqartussaaitaanerlu pillugit

2) akuersissut tunniunneqarsimasoq naapertorlugu imaatigut assartuinerup ingerlanneqarnera pillugu.

§ 8. § 1 aamma § 6 imm. 1-mik unioqqutitsinerit akiliisitsissutaasinnaapput. Aktieselskabit, andelselskabit assigisaasalu unioqqutitsinerinut ingerlatseqatigiiffik immi akiliisussanngortinneqarsinnaavoq.

Imm. 2. Malittarisassani, peqqussut manna naapertorlugu aalajangersarneqarsimasuni, aalajangersakkanik unioqqutitsinerit akiliisitsissutaasinnapput.

Imm. 3. Naalakkersuisut, imaluunniit Naalakkersuisunit taamaasiornissamut piginnaatitaasut, § 6 imm. 1-imi aalajangersakkanik unioqqutitsisoq nalunaarfigisinnaavaa, suliaq eqqartuussinertaqanngitsumik aalajangiiffiqarsinnaasoq, pineqartup unioqqutitsinini nassuerutigippagu nalunaarutigalugulu piareersimallunilu piffissap aalajangersimasup iluani, nalunaarfigineqarnermi akiliutaasussatut aalajangerneqarsimasoq akilerniarlugu.

Imm. 4. Imm. 3-imi nalunaarfiginninnermut taaneqartumut atatillugu eqqartuussisarneq pillugu inatsimmi unnerluussutip imarisaa pillugu aalajangersakkat taamatuttaaq atortinneqassapput.

§ 9. Inatsisartut peqqusutaat atulerpoq 1. januar 1993.

Imm. 2. Tamatumunnga peqatigitillugu usinik immakkut Kalaallit Nunaannut assartornermik Inatsisartut peqqusutaat nr. 8, 8. november 1985-imeersoq atorunnaarsinneqarpoq.

Imm. 3. Usinik immakkut Kalaallit Nunaannut assartornermik Inatsisartut peqqusutaat nr. 8, 8. november 1985-imeersoq naapertorlugu akuersissutit nalunaarutigineqarsimasut 1. januar 1993 atulersumik atorunnaarput.

Namminersornerullutik Oqartussat, ulloq 30. oktober 1992

Lars Emil Johansen

/

Kuupik Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut